

道門科範大全集卷三十七之四十

傍七

道門科範大全集卷之三十七

三十八三十九四十同卷

傍七

三洞經錄弟子仲勵編

安宅解犯儀

啓壇行道

法事陞壇如式

各禮師存念如法

宣衛靈呪

東方

九炁青天 明星大神 煥照東鄉 洞映九門

轉燭陽光 掃穢除氛 開明童子 號曰玄卿

備衛我軒 上對帝君 收魔束妖 討捕兇群  
奉承正道 赤書玉文 九天符命 攝龍驛傳  
普天安鎮 我得飛仙和與道合真

南方

三炁丹天 煥景流光 熒星轉燭 洞照太陽

傍七

上有赤精 合契虛皇 開明靈童 號曰華房  
總統火兵 備守玉堂 斬邪束妖 剪截魔王  
北帝所承 風火莫當 流鈴交換 翊衛壇場  
正道流行 敢有已狂 我享上功 坐運魁罡  
億劫長存 保天無疆和與道合真



西方

七炁素天太白流精光耀金門洞照太冥  
中有素皇號曰帝靈保神安鎮衛我身形  
斷絕邪源王道正明宮殿整肅三景齊并  
道合自然飛昇紫庭靈寶符命普惠萬生  
元皇正炁來合我身功加一切天地咸寧  
和與道合真

北方

五炁玄天元始徘徊辰星煥爛光耀太微  
黑靈尊神號曰層威統冠飛天仙裙羽衣

備衛五門 檢精捕非 敢有干試 豁落斬推  
玉符所告 神鎮八威 邪門閉塞 正道明開  
映照我身 三光同輝 策空駕浮 舉形仙飛  
和與道合真

中央

傍七

一炁黃天

調理乾坤

陶鎔陰陽

總統玄真

鎮星吐輝

流煥九天

開明童子

號曰天璘

元炁陽精

焰上朱烟

洞照天下

及臣等身

百邪摧落

殺鬼萬千

中山神呪

普天使然

五靈安鎮

身飛上仙

和與道合真



鳴法鼓二十四通

發爐

請稱法位

具位某等謹同闔壇衆官今故燒香以是功德奉爲

天子王侯百辟僚屬土地官長經籍度師山林崑樓修真之士同學之人九親姻族天下人民飛行動植一切衆生今故傾心普伸懺悔臣等皈身皈神皈命

太上十方靈寶自然至真無極大道乞賜原

赦臣及齋官闔壇衆等前世今生無邊之罪  
得免離三惡之道十苦八難九厄之中使臣  
身得道真飛行虛空白日昇天侍衛道君道  
遙無上金闕七寶自然宮殿永與道合所啓  
玄感上御至真無極道前

傍七

三

懺悔

重稱法位

具位臣某與闔壇衆等謹同誠上啓

太上無極大道元始天尊太上道君太上老  
君昊天至尊玉皇上帝勾陳星宮天皇大帝



中天星主紫微大帝承天效法后土皇地祇  
十方無極大道道德衆聖天尊至真大帝天  
帝三十六部尊經玄中大法師土府太皇太  
始五帝中黃戊己應感真靈臣等龍漢兆劫  
大橫混於無名開皇御圖民風成於有欲元  
始分真而應化伏犧出智以開能既易巢居  
遂興棟宇因稼穡以爲杵臼之利化毛血以  
爲竈釜之宜六府孔修三綱有敘爰自陽舒  
陰慤甲剛乙柔生殺寓於無形禍福冥於莫  
測輒披經訓方悟俗緣但某草芥微生塵凡



弱質幸承餘慶獲遇明時既有屋之可居  
欲乞自天之垂佑恭修齋直告謝真靈臣既  
忝真司獲膺教首職當宣化志在立功凡有  
投誠理難寢絕今奉詞悃敢不上聞啓壇詞  
誠謹當宣奏

### 宣詞

按如詞言丹誠懇切臣謹爲沐浴五體澄練  
六情依解災度厄之科演安宅利居之法施  
壇列纂法地象天以醮官某家所齋紋繒法  
信安鎮五方香花燈燭證質丹誠以今日今

時建齋為始至其時聞奏上真請福祈恩安  
神解犯輒依齋法宿以啓聞恩惟太上三尊  
十方衆聖垂慈鑒映省覽所陳勅勒鑒察使  
者土地真官一合同心併力營衛掃蕩內外  
清靜壇場通達虛无感降真聖使臣及齋官  
傍七  
心安神定思念立感啓奏御達善功周就無  
有空滯明旦行道續更啓聞

十二願

復爐

香官使者左右龍虎君侍香諸靈官當令臣



向來啓壇行道之所自然生金液丹碧芝英  
百靈衆真交會在此香火爐前當願十方仙  
童玉女接待蘭煙傳臣向來所啓之誠速達  
徑御

至真無極大道

昊天玉皇上帝御前

出堂頌

出戶

道門科範大全集卷之三十七



道門科範大全集卷之三十八

三洞經錄弟子仲勵編

安宅解犯儀

清旦行道

法事陞壇如式

佛七

各禮師存念如法

宣衛靈呪

五

青陽虛映 耀日回靈 神虎辟邪 飛天流鈴

摧奸滅試 萬魔束形 九微迴道 八威攝精

千真校錄 三元蕩清 左嘯中黃 右策六丁

七轉八合 周旋天經 聖化巍巍 大道興行  
慶雲流布 合景黃庭和與道合真

鳴法鼓二十四通

無上三天玄元始三炁太上道君太上老君  
召出臣身中三五功曹左右官使者左右捧

香驛龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓關啓玄壇土地方域神真臣今

清旦行道謹奉爲入意其諸忱悃已錄奏聞

願得



太上十方至真道炁靈寶瑞光下降流入臣  
身中令臣所啓速達徑御

太上無極大道

昊天玉皇上帝御前

請稱法位

具位臣某與闔壇官衆等謹同誠上啓

太上無極大道元始天尊太上道君太上老  
君昊天至尊玉皇上帝勾陳星宮天皇大帝  
中天星主紫微大帝承天效法后土皇地祇  
十方無極大道道德衆聖天尊至真大帝天



帝三十六部尊經玄中大法師土府太皇太  
始五帝中黃戊巳應感真靈臣聞天尊孕化  
大道垂功二氣裁形萬靈資始圓清上結懸  
日月而列星辰方濁下凝布山川而融海嶽  
由是百神受職以定方隅五帝司分各安其  
位至乃清都紫閣百雉九重郡邑城池人倫  
宅宇皆有法象以配乾坤爰資安鎮之功用  
叶乂康之福臣等職當行教佐國立功凡有  
所祈理宜聞奏況奉詞旨敢不上聞

宣詞

按如詞言情旨丹切莫因精感上達真靈臣  
等率勵法流按依科式敷壇列纂法地像天  
鎮龍綵於十方貢詞誠於三境以今清旦行  
道請法衆等運茲初捻上香  
願此香雲騰空供養

十方無上道寶天尊臣等皈身皈神皈命自  
體投地以是捻香功德上祝

當今皇帝陛下伏冀五山鎮地永比鴻圖八  
海浮天長齊鳳曆祚超周漢聖越義農妃后  
皇儲克光睿德諸王公主允契休符混車軌



於九圍集梯杭於萬寓今故燒香自歸依  
道尊大聖衆至真之德得道之後保天長存  
和與道合真

以今清旦行道請法衆等運茲二捻上香  
願此香烟騰空供養

傍七

七

十方經寶天尊臣等皈身皈神皈命首體投  
地以是捻香功德歸流齋官某家九世七玄  
俾超夜府六親五族並證仙階宅宇清寧龍  
神鎮守凶災殄息妖惡不興今故燒香自歸  
依



經尊大聖衆至真之德得道之後昇入無形  
和與道合真  
以今清旦行道請法衆等蓮茲三捻上香  
願此香烟騰空供養

十方師寶天尊臣等皈身皈神皈命首體投  
地以是捻香功德歸流天地之內有識含生  
咸沐道風盡登真果齋官其災祛未兆福降  
無涯俱乘妙道之功永證長生之品今故燒  
香自歸依

師尊大聖衆至真之德得道之後永天長存

和與道合真

香自誠懺方

三啓

三禮

重稱法位

具位臣某等謹同誠上啓

虛无至真三境天尊十方無極大道道德衆

聖天尊三十六部尊經玄中大法師土府太

皇太始五帝中黃戊己應感真靈臣聞道化

未分混沌之首體玄功而不宰任真一以無

爲洎乎二象分靈三才設位清濁配乾坤之

質晦明彰晝夜之殊陰陽衆神各司其職於



是構茲棟宇代彼層巢既取法於天關遂生  
張於陰騭所以乾天允澤各有統臨離火巽  
風互明衰盛順之則必符貞吉違之則自取  
悔尤惟古及今率由斯道齋官某爰因卜築  
恐有犯違神道難明常情靡測既畢功於土

傍七

八

木將展禮於香燈懺罪希恩祛災謝過大弘  
齋薦上達至真是用敷列法壇按遵科典蘭  
燈散彩下照九幽香穗凝烟上通三境轉經  
行道普為懺祈或犯忤靈祇侵傷地府或殘  
害物命汙瀆靈蹤或觸動龍神違諸禁忌或



因力役致有怨咨或以遷移不選方所積成  
釁咎因結災纏或在九宮八卦之中或在十  
二支干之內或犯陰陽刑殺七十二神下繫  
地司上言天府憑今懺謝並乞蕩除使齋福  
普覃善功遐被降九龍符命宣告諸天運三  
寶威神敕勒三界極茲夜府開諸光明安帝  
業於九重播玄休於萬國五兵偃戢百穀豐  
登齋官某家存歿又康族屬昭泰子孫忠孝  
祚胤繁昌落罪簡於陰曹列仙名於真境陰  
陽職秩內外神靈護法安人濟時利共共揚

道化助正却邪遐及幽明同臻妙道上明  
天尊廣濟之澤下副臣等皈命之誠謹啓以  
聞

十二願

復爐

傍七

九

香官使者左右龍虎君侍香諸靈官當令臣  
向來清旦行道之所自然生金液丹碧芝英  
百靈衆真交會在此香火爐前當願十方仙  
童玉女接待蘭烟傳臣向來所啓之誠速達

徑御

無殊大直



至真無極大道

昊天玉皇上帝御前

出堂頌

出戶

道門科範大全集卷之三十八

道門科範大全集卷之三十九

三洞經籙弟子仲勵編

安宅解犯儀

臨午行道

法事陞壇如式

各禮師存念如法

宣衛靈呪

丹靈朱火 炎霞激風 赤輪剛運 天光行衝  
迸威包羅 交變萬方 流金豁落 羣魔滅蹤  
辟奸破妖 明耀元功 金符召制 躡雲策龍  
謠歌慶會 散花太空 神化宜運 四極安隆  
伏御帝前 罔有不恭 和與道合真

鳴法鼓二十四通

無上三天玄元始三炁太上道君太上老君  
召出臣身中三五功曹左右官使者左右捧



香驛龍騎吏侍香金童傳言散花玉女五帝  
直符直日香官各三十六人出出者嚴裝顯  
服冠帶垂纓關啓玄壇土地方域神真臣今  
臨午行道謹奏爲入意其諸忱悃已錄告聞  
願得

傍七

十

太上十方至真道炁靈寶瑞光下降流入臣  
身中令臣所啓速達徑御

太上無極大道

昊天玉皇上帝御前

具封拜請稱法位

具位臣某與闔壇官衆等謹同誠上啓  
太上無極大道元始天尊太上道君太上老  
君十方無極大道道德衆聖天尊至真大帝  
天帝三十六部尊經玄中大法師土府太皇  
太始五帝中黃戊己應感真靈臣等夙荷玄  
休躬逢道化五文散景三洞開光引至理於  
重玄暢神功於妙用獲參祕蹟得以稟修而  
告盟之初立功爲本凡有皈向敢不上聞爰  
有忱誠謹當宣奏

宣詞



按如詞旨誠切修崇臣等忝職玄科理宜開  
度齋官某項因繕緝土木興工慮犯真靈願  
伸祈懺是敢按三清之格披九奏之儀奉信  
列詞請修齋直冀憑關奏上達至真以今臨  
午行道請法衆等運茲初捻上香

傷七

十一

願此香雲騰空供養

十方無上道寶天尊臣等皈身皈神皈命首  
體投地以是捻香功德上資宗廟尊靈列聖  
昭穆上登聖品下福睿圖

皇帝德紹義農明均日月握金鏡以臨四海

調玉燭而育萬方朝有忠賢野無遺逸今故  
燒香自歸依

道尊大聖衆至真之德得道之後保天長存  
和與道合真

以今臨午行道請法衆等運茲二捻上香

願此香烟騰空供養

十方無上經寶天尊臣等皈身皈神皈命首  
體投地以是捻香功德歸流齋官某家九祖  
幽儀生天悟道七玄飛爽證品登真泊于宅  
宇龍神陰陽將吏各安所部共洽無爲轉崇



秩於靈階叶殊功於道果今故燒香自歸依  
經尊大聖衆至真之德得道之後升入無形  
和與道合真

以今臨午行道請法衆等運茲三捻上香  
願此香雲騰空供養

十方無上師寶天尊臣等皈身皈神皈命首  
體投地以是捻香功德歸流齋官某福樹長  
春道風遐被壽延祿永罪滅災銷然後夜府  
寒庭三塗六趣俱超沉滯同契至真今故燒  
香自歸依

師尊大聖衆至真之德得道之後永夫長存  
和與道合真

唱方 懺方 命魔 三啓 三禮

重稱法位

具位臣某與闔壇衆等謹同誠上啓

傍七

十二

金闕虛无九清上帝土府太皇太始五帝中

黃戊巳應感真靈臣聞大道既分聖人設教

取諸易象法彼上玄裁棟宇之規代巢穴之

制以利天下以覆羣生乃命天地神祇陰陽

將吏分階列品互有主張今古攸遵吉凶無



爽齋官某項因營繕土木興工恐穿鑿靈蹤  
侵傷神位犯休王之氣違禁忌之方爰啓壇  
場用伸懺謝臣等按河圖品格披三洞典儀  
率勵法流精修齋直稽顙於三元之下披心  
於萬聖之前懺悔罪瑕祈恩請宥冀因虔懇  
感降真靈謹爲弟子某上請倉明救敗君安  
闕天玄君天休天陽君解患却厄君赤沙天  
官君仙官計平君始陽繕治君青龍道化君  
主安宅利君除災却怪誅滅故氣收伏邪精  
蠱毒摧鋒凶妖殄息又請漢明地皇君無上

監氣君爐火玉女前校火兵主收居宅之中  
井竈之鬼又請楊方平石君主收土氣土翁  
爲害之者又請高倉天匠君主收地中丘墓  
之氣禁忌之神使正氣流行凶邪摧伏居上  
清泰常獲康宜家有禎祥門無天橫六親蒙  
福九祖生天壽祿增延罪咎銷解冤仇和釋  
注訟沉零內外清安動靜昭暢上冀

傍七

十三

聖圖悠久祚曆遐延萬國宅心八紘順化天  
清地朗國富人歡瑞謀休符日書月至風雲  
表貺海嶽蘇舒泊乎六趣九幽有生含識並



沾洪福各遂逍遙宅宇龍神陰陽正職仙功  
懋賞安鎮方隅自幽及明普令升泰上明  
天尊廣濟之澤下副臣等皈命之誠謹啓以  
聞

十二願

復爐

香官使者左右龍虎君侍香諸靈官當令臣  
向來臨午行道之所自然生金液丹碧芝英  
百靈衆真交會在此香火爐前當願十方仙  
童玉女接待侍蘭烟傳臣向來所啓之誠速達

徑御

至真無極大道

昊天玉皇上帝御前

出堂頌 出戶

道門科範大全集卷之三十九

道門科範大全集卷之四十

三洞經錄弟子仲勵編

安宅解犯儀

晚朝行道

法事陞壇如式



各禮師存念如法

宣衛靈呪

五星高耀 瑞氣飛浮 元始集神 天地交周

玉符寶節 嘯命微幽 擲火持威 奸凶無留

萬魔振伏 紛葩却消 摧怪滅惡 道炁周流

傍七

十四

神光照夜 陰翳俱收 萬神降格 扇景乘颺

羣生咸遂 惠遍神州和與道合真

鳴法鼓二十四通

無上三天玄元始三炁太上道君太上老君

召出臣身中三五功曹左右官使者左右捧

香驛龍騎吏侍香金童傳言散花玉女五帝  
直符直日香官各三十六人出出者嚴裝顯  
服冠帶垂纓關啓玄壇土地方域神真臣今  
靜夜行道謹奏爲入意其諸忱悃已錄告聞  
願得

太上十方至真道炁靈寶瑞光下降流入臣  
身中令臣所啓速達徑御

太上無極大道

昊天玉皇上帝御前

請稱法位



具位臣某與闔壇官衆等謹同誠上啓

太上無極大道元始天尊太上道君太上老

君十方無極大道道德衆聖天尊至真大帝

天帝三十六部尊經玄中大法師土府太皇

太始五帝中黃戊己應感真靈臣聞太上垂

傍七

十五

文元皇設教陶融萬有亭毒羣方三洞玉書

降九清而演妙諸天大聖殿至道以度人佐

國為先慈救為本凡有詞款敢不上聞齋意

忱誠謹當宣奏

宣詞

臣等依按詞誠理宜關奏齋官某以居宅之  
所併有繕修慮違忤神明犯干禁忌虔伸懺  
滌以贖愆瑕是敢遵按典儀精崇壇墀開玄  
都玉笈依黃籙簡文法地像天修齋行道以  
今靜夜行道請法衆等運茲初捻上香

願此香雲騰空供養

十方無上道寶天尊臣等皈身皈神皈命首  
體投地以是捻香功德歸流宗廟先靈列登  
昭穆凝神快樂馭景逍遙上祝

皇帝陛下昇闈上境安鎮鴻圖均兩曜而燭



萬方齊三光而育羣品儲宮妃后光贊休明  
文武職寮輔成睿化今故燒香自歸依

道尊大聖衆至真之德得道之後保天長存  
和與道合真

以今靜夜行道請法衆等運茲二捻上香

願此香烟騰空供養

十方無上經寶天尊且等皈身皈神皈命首  
體投地以是捻香功德歸流齋官某家九世  
幽靈遊神碧落六親眷屬列品仙都洎乎宅  
宇之中龍神將吏鎮安其位清蕩妖凶克叶

又寧永符貞吉今故燒香自歸依

經尊大聖衆至真之德得道之後升入無形  
和與道合真

以今靜夜行道請法衆等運茲三捻上香  
願此香烟騰空供養

佛七

十六

十方無上師寶天尊臣等皈身皈神皈命首

體投地以是捻香功德歸流普天率土含識

衆生遐及幽明同均福祐齋官某家凶災殄

息祿筭延長永承道德之風俱契真仙之果

今故燒香自歸依



師尊大聖衆至真之德得道之後永天長存  
和與道合真

唱方 懺方 三啓 三禮

重稱法位

具位臣某與闔壇官衆等謹同誠上啓

虛无三境六御宸尊十方得道衆聖天尊土  
府太皇太始五帝中黃戊己應感真靈臣等  
獲奉至真參修祕妙功未加於動植化未洽  
於生靈每思佐國化人引道贊法奉揚玄奧  
廣濟人天齋官某以營葺所居興工動役或

捷材運石驚動龍神或增下損高犯違禁忌  
或所居之地有古跡靈墟或穿鑿之方有荒  
祠敗壘或汙瀆仙境或侵逼名蹤或失五姓  
之宜或乖二宅之利因其繕飾遂構災凶虔  
設壇場遍申祈懺十七臣等按天師格品依正一  
法文上請救敗君等一十二部天官將吏兵  
士驅除故氣清蕩妖邪却地中土木之精及  
遊尸屬鬼解土公侵食之害銷五方禁忌之  
災一切凶妖悉令除蕩禎祥霧集禍害水銷  
伏願太上衆尊垂慈鑒映降流真氣覆祐其



方敕勒正神鎮安其位常符貞吉永保康宜  
上願

帝道隆昌皇風遠扇三邊有泰八海無波疫  
毒不侵星辰含度洎乎泉扁夜府長觀光明  
蠢類有生無失其所齋官某家上玄幽爽證

品生天子孫傳忠孝之規遠近享乂安之福  
龍神密衛動靜和寧普沐玄功並昇真界上  
明

天尊大慈之澤下副信人至懇之誠謹啓以

聞

十二願

復爐

香官使者左右龍虎君侍香諸靈官當令臣  
向來靜夜行道之所自然生金液丹碧芝英  
百靈衆真交會在此香火爐前當願十方仙  
童玉女接待蘭烟傳臣向來所啓之誠速達  
徑御

至真無極大道

昊天玉皇上帝御前

出堂頌 出戶



道門科範大全集卷之四十

傍七

423



